

JAVNO PREDUZEĆE „KOMUNALNO“ D.O.O. BREZA
ZAVNOBIH-A BR.6 71370 BREZA

Broj: 05-599-7/24
Breza, 08.04.2024. godine.

Na osnovu člana 64. stav (1) tačka (a), člana 70. st. (1), (3) i (6) i člana 69. stav (1) tačka (a) Zakona o javnim nabavkama („Službeni glasnik BiH“, broj 39/14 i 59/22) i člana 46. stav (1) tačka (k) Statuta JP „Komunalno“ d.o.o. Breza, broj: 1157-07-05-33-2./18 od 07.05.2018. godine, na Preporuku Komisije za javnu nabavku robe: „Nabavka materijala za održavanje vodovodnih linija“ (broj: 599-6/24 od 05.04.2024. godine) direktor preduzeća d o n o s i:

O D L U K U

o izboru najpovoljnijeg ponuđača za javnu nabavku robe "Nabavka materijala za održavanje vodovodnih linija"

Član 1.

Prihvata se Preporuka Komisije za javne nabavke (broj: 599-6/24 od 05.04.2024. godine) i Ugovor/okvirni sporazum za javnu nabavku robe: **"Nabavka materijala za održavanje vodovodnih linija"** dodjeljuje izabranom ponuđaču **"HIDRO-TERMO-CENTAR" d.o.o. Sarajevo**, ID 4200563800007, sa sjedištem u Sarajevu, Ul. Kurta Schorka br. 11, kao prvorangiranom na rang listi, čija ponuda nakon provedene „e-Aukcije“ iznosi 22.831,98 KM bez PDV-a, s popustom od 0,2 % i rokom isporuke 0,01 dana, a u skladu s ponudom Ponuđača (broj 08/24 od 27.03.2024. godine) i Izvještajem o toku i završetku e-aukcije (postupak br. 2818-7-1-40/24 od 05.04.2024. godine).

Član 2.

- (1) Prijedlog Ugovora/okvirnog sporazuma dostavit će se na potpis izabranom ponuđaču u roku od 10 (deset) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je u svojoj ponudi dostavio ovjerene kopije dokumenata iz člana 45. stav (1) Zakona o javnim nabavkama („Službeni glasnik BiH“, broj 39/14 i 59/22), u skladu sa tačkom 2.3. tenderske dokumentacije, te se oslobađa naknadnog dostavljanja istih.

Član 3.

Za izvršenje ove Odluke zadužuje se i ovlašćuje PJ "Održavanje i nabavka" i PJ "Vodovod i grijanje" i PJ "Direkcija", svako u okviru svoje nadležnosti.

Član 4.

Ova odluka objavit će se na web-stranici: <http://jpkbreza.com/> istovremeno s upućivanjem ponuđačima koji su učestvovali u postupku javne nabavke, u skladu s članom 70. stav (6). Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. Zakona o javnim nabavkama.

Obrazloženje:

Postupak javne nabavke pokrenut je Odlukom o pokretanju postupka javne nabavke broj: 05-599/24 od 11.03.2024. godine.

Javna nabavka je provedena putem postupka Konkurentskog zahtjeva za dostavu ponuda.

Procijenjena vrijednost javne nabavke: "Nabavka materijala za održavanje vodovodnih linija" iznosila je 25.000,00 KM bez PDV-a.

Obavještenje o nabavci broj: 2818-7-1-40-3-6/24 objavljeno je na Portalu javnih nabavki dana 12.03.2024. godine i istog dana poslano na objavu u „Službeni glasnik BiH“.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 13 (trinaest) ponuđača. Izvještaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem broj: 05-599-2/24 od 12.03.2024. godine.

Komisija za javnu nabavku dostavila je dana 05.04.2024. godine, Zapisnik o pregledu i ocjeni ponuda, broj: 05-599-5/24 od 05.04.2024. godine i Preporuku o izboru najpovoljnijeg ponuđača za javnu nabavku roba: „Nabavka materijala za održavanje vodovodnih linija“ broj: 05-599-6/24 od 05.04.2024. godine.

Na javnom otvaranju ponuda nije bilo predstavnika ponuđača.

U postupku po Izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nije bilo neblagovremeno zaprimljenih ponuda,
- da su ponude ponuđača "HIDRO-TERMO-CENTAR" d.o.o. Sarajevo, "VODOSKOK" d.o.o. Tomislavgrad i "CMC GROUP" d.o.o. Ilijaš prihvatljive ponude.

Ponuđači su dostavili sljedeće cijene ponuda:

R.br	Naziv ponuđača	Ukupno bez PDV-a	Ponuđeni popust	Ukupno bez PDV-a sa popustom	Rok isporuke	Početni ukupan broj bodova
1.	"HIDRO-TERMO-CENTAR" d.o.o. Sarajevo	22.877,70	-	22.877,70	1 dan	100,00
2.	"VODOSKOK" d.o.o. Tomislavgrad	24.977,91	-	24.977,91	1 dan	94,11
3.	"CMC GROUP" d.o.o. Ilijaš	24.732,38	-	24.732,38	7 dana	69,03

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, u skladu sa kriterijima iz Tenderske dokumentacije, te kroz sistem „E-nabavke“ provela e-Aukciju, u skladu sa Pravilnikom o uslovima i načinu korištenja e-Aukcije ("Službeni glasnik BiH" broj 80/23).

E-aukcija je održana dana 05.04.2024. godine u 14:00 sati.

Iz izvještaja o toku i završetku e-Aukcije koji je kreiran 5.4.2024. godine u 14:21:23 sati jasno je vidljivo:

KONAČNA RANG LISTA PONUĐAČA KOJI SU UČESTVOVALI U E-AUKCIJI:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Konačni rok isporuke Dan(a)	Konačni ukupan broj bodova
1.	„HIDRO-TERMO CENTAR“ d.o.o. Sarajevo	4200563800007	22.831,98	0,2% **	0,01	78,34
2.	„CMC GROUP“ d.o.o. Ilijaš	4200213810000	15.770,00	36,24% **	1,00	70,30
3.	„VODOSKOK“ d.o.o. Tomislavgrad	4281210160004	22.000,00	11,92% **	0,50	50,77

** Označava približnu vrijednost procentualnog umanjenja nakon zaokruživanja na dvije decimale

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „Ekonomski najpovoljnija ponuda“ – (70% - cijena, 30% - rok isporuke).

Iz navedenih razloga, primjenom člana 64. stava (1) tačka (a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Obradila:


Neira Hasanspahić

DOSTAVLJENO:

- 1 x „HIDRO-TERMO CENTAR“ d.o.o. Sarajevo
- 1 x „CMC GROUP“ d.o.o. Ilijaš
- 1 x „VODOSKOK“ d.o.o. Tomislavgrad
- 1 x Direktor JP „Komunalno“ d.o.o. Breza
- 1 x PJ „Održavanje i nabavka“
- 1 x Direkcija
- 1 x Web stranica preduzeća
- 1 x a/a



Direktor:

ma. Ermin Likić dipl.ing.maš.

